

武功志

九黎之亂黃帝興師三苗不庭重華受律非常剏建惟斷乃成益部太白揚眉參旗并鉞我

朝開國之始龍驤討罪初定岷峨駢冉傾忱全收邛笮以至西臨舍衛南服載民靈夔呿吼雄虺摧藏雖云地路歧分而一秉

星樞高挈也閒有莠民自外

生成非種斯勦懷歸者衆三至行而五教修豈僅銅柱銘勲燕然勒石已哉作武功志

夔州府志

卷十一

武功

王師平蜀

順治三年

命肅親王入川討流賊張獻忠賊聚兵順慶府屯於西充縣之金山舖大治舟楫將遁走湖廣僞保寧守賊將劉進忠至朝天關遇大兵降爲先導肅親王遣裨將同進忠疾馳五晝夜及獻忠營時賊無游兵又無塘撥不虞

王師猝至獻賊衣飛蟒半臂率牙將出視進忠指示曰此獻忠也裨將雅布蘭發一矢中額獻忠訝曰果然遂潛伏積薪之下執近人詢之而得曳出斬之餘賊僞平東王孫



可望等走重慶陷綦江畢節由貴州竄雲南時川中諸賊或稱四家或稱十三家袁韜武大定及夔州譚文譚誼譚宏巫山劉體純鄭城胡明道金城姚玉州施州衛王光興最著其王有進景果勤張顯劉惟靈白蛟龍楊炳英李世傑等莫可稽考總謂之十三家賊又李自成餘孽李赤心竄死廣西子來亨代領其衆展轉竄川東與自成餘黨袁宗第賀珍李本榮黨守素等連結十三家賊出入巴渠夔巫一帶地方

順治五年

夔州府志

卷三十一

武功

二

命李國英以僉都御史管四川巡撫事國英破賊姚大動等於遂寧

六年加巡撫李國英兵部尙書都察院右副都御史節制諸將五月破賊李大定於廣元破賊盧名臣於重慶九年擒明將趙榮貴朱化龍及安綿道詹天顏斬之龍安川西川東以次削平

十年及僞將劉文秀戰於保寧破其象陣大敗之賊將譚宏譚誼殺譚文文黨劉體仁袁宗第李來亨等分十六營將由水道襲重慶國英聞之欲討宏誼二人懼率



所部來降袁宗第等遁走夔巫

十六年明降將郝成裔復叛擒斬之黎雅平

康熙元年壬寅冬十二月

上命總督李國英統領湖廣陝西河南四川四省官兵會勦茅麓山賊李來亨袁宗第等國英至夔府道路榛莽伐木開道以進大兵奪羊耳山宗第遁入深箐我師屯七里壩宗第屯茶園坪山勢陡絕諸將攀藤而上宗第敗走巴東大兵追及巫山遂據其城衆議移守夔門國英計巫山地勢卑狹雖不便馳驟可利固守於是深溝堅壘

夔州府志

卷三十一

武功

三

具炮石城下樹梅花樁賊至不得進樁外挑品字坑又於城外高處立敵樓以防偵探具甫備郝永忠劉體純合數萬衆攻巫山甚急我兵出戰體純等敗走適陝西會勦兵至陳家坡奪老木空體純自縊大兵乘勝追至黃草坪永忠宗第皆授首惟李來亨居茅麓山高險難攻我兵四面圍之來亨出入地名通梁路徑陡絕我師乘大霧未開遂奪通梁來亨力窮勢迫八月初六日焚其妻子自縊茅麓山遂破餘衆馬騰雲拓天寶王光興俱投誠李自成張獻忠二賊餘孽及十三家賊至是誅



滅殆盡總督李國英凱旋重慶全川俱入版圖  
康熙十三年甲寅吳三桂僞總督王公良率僞將軍王  
鳳岐劉之衛等據夔州逾六年庚申四川總督楊茂勳  
率師由楚江峽路逆流而上破巫山揚帆直進抵夔州  
兵不血刃羣逆遁去遂復夔州

夔州府志

卷十一

武功

四



平定教匪

乾隆六十年冬白蓮教匪首逆劉之協令其黨於湖北河南陝西四川等州縣往來煽惑傳教作亂嘉慶元年九月四川達州奸民徐添德與其弟徐添壽及王登廷張泳壽趙麻花汪瀛熊翠熊方書陳侍學作亂於亭子舖東鄉縣奸民王三槐冷添祿與張子聰庚向瑤符日明劉朝選湯思蛟張簡作亂於達州之豐城其時四川官兵半調赴湖南苗疆惟署四川總督侍郎英善率在川官兵及鄉勇勦之十月徐添德之弟徐添富作亂於太平之城口川北道李鉉太平營都司謝開先擒斬之十二月

夔州府志

卷三十一

武功

五

上命四川成都將軍觀成自湖北回川協勦川匪

十二月四川巴州奸民羅其清與弟其書及苟文明鮮大川作亂於方山坪通江縣則有冉文儔與其姪添元添泗及王士虎陳朝觀李彬楊步青蒲添寶景英作亂於王家寨太平縣則有龍紹周徐萬富龔建唐大信王國賢作亂於南津關達州首逆徐添德東鄉首逆王三槐冷添祿等陷東鄉



命陝甘總督宜綿率師入川總統軍務

二年二月陝甘總督總統宜綿攻破太平南津關遂至東鄉與署四川總督侍郎英善成都將軍觀成克復縣治首逆徐添德王三槐冷添祿退踞金鷲寺時湖南苗疆事竣

命署廣州將軍襄勇伯明亮署領侍衛內大臣子爵德楞泰入川與總統宜綿會兵攻金鷲寺徐王等逆又踞重石子香鑪坪署四川總督侍郎英善調署陝甘總督以總統宜綿兼署四川總督令重慶鎮總兵官百祥攻冉文儔

夔州府志

卷三十一

武功

六

於通江縣之王家寨賊率衆遁入巴州之方山坪與羅其清合總兵官百祥領兵勇勦之

四月大寧縣奸民陳崇德作亂於老木園四川將軍觀成分兵勦之於時賊以青黃藍白等號爲記又設掌櫃元帥先鋒總兵千總等僞號四川則達州首逆徐添德稱達州青號徐添壽王登廷張添壽趙麻花汪瀛熊翠熊方青陳侍學附之東鄉首逆王三槐冷添祿稱東鄉白號張子聰廣向瑤符日明劉朝選湯思蛟張簡附之太平首逆龍紹周稱太平黃號龔建唐大信徐萬富王



國賢唐明萬賴飛隴附之巴州首逆羅其清稱巴州白  
號羅其書鮮大川苟文明附之通江首逆冉文儔稱通  
江藍號冉添元添泗王士虎陳朝觀李彬楊步青蒲添  
寶景英附之

六月尙書總統惠齡領楚省滿漢官兵尾追齊王氏姚  
之富等入川與署廣州將軍伯明亮署領侍衛內大臣  
子爵德楞泰分道勦之時總統宜綿正勦方山坪之賊  
而齊王氏姚之富徐添德王三槐冷添祿等從雲陽奉  
節一路竄擾沿途匪逆響應雲陽有奸民林亮功稱月

夔州府志

卷十一

武功

七

藍號與其姪林定相及張長更蕭占國包正洪張長青  
等據開縣之白巖山奉節則有龔文玉稱線號與弟其  
位及卜三聘陳得俸等據鐵瓦寺

八月齊王氏姚之富等仍由奉節東竄楚境將軍伯明  
亮署領侍衛內大臣子爵德楞泰領川兵與尙書惠齡  
領楚兵水陸分追入楚白巖山之賊則以四川提督穆  
克登阿與護軍統領舒亮勦之鐵瓦寺之賊則以襄陽  
鎮總兵官馬瑀與太原鎮總兵官德齡勦之當齊王氏  
姚之富之入楚也徐王等逆未與同行齊王氏留其黨



王光祖樊人傑與之合從大寧縣趨太平一路與太平黃號龍紹周龔建唐大信徐萬富王國賢等合復遣黨與勾結巴州白號羅其清通江藍號冉文儔等下方山坪向通江縣巴州儀隴縣一帶滋擾至營山縣境羅其清冉文儔屯聚儀隴營山縣境徐添德等則往來渠縣廣安州及隣水長壽大竹梁山新寧開縣等處林亮功龔文玉等亦皆響應而襄陽藍號張漢朝等復由陝入川

十二月調雲貴總督威勤侯勒保爲湖廣總督代宜綿

### 夔州府志

### 卷三十一

武功

八

爲四川總統奉

旨自黔由叙永入川

三年正月總統勒保進兵至梁山縣時達州青號徐添德東鄉白號王三槐雲陽月藍號林亮功奉節線號龔文玉太平黃號龍紹周各率其黨與襄陽黃號王光祖樊人傑俱聚於開縣之臨江市添德遣新寧人曾柳往梁山萬縣勾結石壩山同教郭長俊伍一凱等起事以牽制我師爲截後計勒保等等及先勦新起之賊正月十一日師次石壩山官兵攻克賊寨誅長俊一凱賊先



遣曾柳馳報添德來提官兵追及於彈子壩斬曾柳殲  
斃賊匪甚夥並生擒其脅從多人

二月總統勒保調任四川總督以河南巡撫景安爲湖  
廣總督以陝西布政使倭什布爲河南巡撫

命前署陝甘總督英善以刑部侍郎來川與副都統銜福寧駐  
達州籌辦後路糧餉時各匪往來川東川北居民散處  
裹脅甚衆因採堅壁清野之議通行各屬令百姓紮寨  
屯糧團練鄉勇以期自衛並設法招撫賊中裹脅之人  
五月頭等侍衛銜觀成劉君輔勦大寧老木園之賊殲

夔州府志

卷十一

武功

九

首逆陳崇德

是月總統勒保督兵斬雲陽月藍號僞元帥林定相於  
梁山縣之荆竹園生擒首逆洪道人

六月東鄉白號王三槐冷添祿等據雲陽縣之安樂坪  
總統勒保督兵圍勦

八月官兵獲賊首王三槐於安樂坪總統勒保奉

旨晉封一等公安樂坪地方山勢險峻賊設立石卡木城拒守

勒保督同舒亮百祥富爾賽等進勦斃賊七八百名賊  
匪棄巢奔潰竄至安樂坪後山生擒首犯王三槐解京



其助逆匪犯三百六十餘名悉數擒斬梟示

十一月尙書惠齡副都統銜額勒登保德楞泰攻破箕山生擒白號首逆羅其清并其弟其書於巴州之方山坪

四年正月初一日尙書惠齡副都統銜額勒登保德楞泰殲通江藍號賊首冉文儔於麻壩寨

正月

特授勒保爲經畧大臣節制川楚陝甘豫五省軍務

命永保以藍翎侍衛齎送經畧印信馳驛來川即在領隊侍衛

夔州府志

卷三十一

武功

十

上行走副都統銜明亮額勒登保均授副都統爲叅贊大臣分路帶兵尙書惠齡丁憂奉

旨回京守制陝甘總督宜綿亦即

召還侍郎英善

賜四品頂戴駐藏辦事以川省糧餉專交副都統銜福寧管理是月川省紮寨團練鄉民各能自衛

命飭各省仿照辦理

二月參贊額勒登保殲雲陽月藍號林亮功之分股賊首蕭占國及僞元帥張長更於營山縣之譚家山林亮



功先於二年八月在開縣白巖山鏖斃

六月副都統銜德楞泰川北鎮總兵朱射斗殲斃林亮功之分股賊首包正洪於雲陽縣之謝家壩

六月襄陽黃號首逆王光祖爲官兵追迫走死於夔州之羊耳山時線號賊匪竄夔州守土官宣諭招撫賊中裹脅之人相率投歸於夔州者五千餘人

七月副都統銜德楞泰生擒線號首逆龔文玉於大寧縣之瓦屋溝又擒其僞元帥龔其位於大寧之香冲及其僞千總卜三聘於巫山縣之羊溪河先是線號首逆

夔州府志

卷三十一

武功

七

龔文玉在夔州一路爲傳教總師以弟其位爲僞元帥卜三聘爲僞先鋒糾衆七八千人文玉與其位卜三聘龔建張添倫辛聰等均在太寧巫山交界之八石坪屯聚德楞泰探知與朱射斗夾擊攻破賊寨殺賊八百餘名生擒賊目徐正明等六百六十餘名僞先鋒姚先廷探馬頭張宗泰棄械投順先廷發夔州安置宗泰請隨營效力告知文玉欲往徐家壩就徐添德亟追之於瓦屋溝生擒文玉並探馬頭張尙國等先後斬獲賊匪一千四百餘名龔其位遁嗣經搜山弁勇於香冲擒獲並



龔文玉之子及文玉之妻同時提督七十五生擒卜三聘並獲其長子卜正順及其子女四名八月又生擒太平黃號賊首龔建於開縣之火峯寨

八月

命吏部尚書魁倫來川逮經畧大臣勒保入都因徐添德一股二千餘人爲官兵驅擊奔潰竄入楚界

上以勒保經畧半年弗藏厥功又有賊衆入楚之奏故逮問以副都統額勒登保加都統銜爲經畧大臣以副都統銜德楞泰爲參贊大臣以尚書魁倫署四川總督以內閣

夔州府志

卷三十一

武功

三

學士廣興副都統托津來川代副都統銜福寧接辦糧餉成都將軍慶成亦緣事解任以直隸古北口提督世襲誠謀英勇公阿廸斯爲成都將軍

五年正月經畧大臣額勒登保領兵赴甘肅以四川軍務交署總督魁倫接辦

正月十五日通江藍號冉文儔之弟僞元帥冉添元東鄉白號冷添祿之分股僞元帥張子聰奉節線號餘黨僞先鋒陳得俸太平黃號賊首徐萬富及青號徐添德之分股賊首趙麻花汪瀛從定遠縣之石板沱搶渡嘉



陵江於遂寧西充蓬溪等縣肆擾荼毒居民署總督魁倫領兵由順慶府渡江追勦川北鎮總兵官朱射斗戰死於西充縣之高院塲魁倫退守潼河成都將軍公阿廸斯四川提督七十五先後被劾

上命參贊大臣德楞泰自陝入川前經畧大臣勒保釋罪以藍翎侍衛爲領隊大臣馳驛赴川協勦旋奉

命署成都將軍

二月參贊大臣德楞泰由廣元入川於江油縣之馬蹄崗先後生擒藍號僞元帥冉添元線號僞先鋒陳得俸

夔州府志

卷十

武功

十三

二月勒保以四品頂戴授四川提督參贊大臣德楞泰授成都將軍四月署總督魁倫以潼河失守奉

旨逮問

命勒保以提督署四川總督兼辦糧餉并

命副都統托津通政司副使廣興先後回京

五月參贊德楞泰生擒僞軍師何上達於隣水之星拱橋

七月參贊大臣德楞泰總督勒保督兵殲巴州白號羅其清之餘黨賊首鮮大川於巴州之韓家碛



七月參贊德楞泰殲偽元帥賴掌櫃偽總兵鮮中青於南江之馬掌舖

八月

授勒保爲四川總督

賜二品頂戴仍以七十五爲四川提督

七月太平縣團勇殲斃黃號賊首唐大信

七月參贊德楞泰總督勒保合兵兜勦樊張鮮苟四股賊衆殲鮮大川之叔偽先鋒鮮文炳樊人傑之弟偽元帥樊人聰

夔州府志

卷十一

武功

六

九月參贊大臣德楞泰總督勒保殲達州青號賊首趙麻花於雲陽縣之大水田

十月開縣團勇生擒東鄉白號偽元帥張子聰

十一月參贊大臣德楞泰總督勒保殲楚匪齊王氏之分峒白號賊首楊開第於渠縣之栢林場又殲齊王氏之悍匪國謨於儀隴縣之觀音河

六年正月總督勒保擊斬張士龍生擒其偽總兵李大惟及趙建功

正月襄陽黃號首逆樊人傑與太平黃號賊首徐萬富



王國賢通江藍號冉添元之弟添泗及王士虎率其黨與五六千人由寧羌州入廣元縣至南部縣之新鄭壩總督勒保領兵由達州營山截擊追斬徐萬富於碑灣寺奉

吉勒保賞戴花翎

正月二十三日總督勒保提督七十五截勦樊人傑一股賊匪劉朝選湯思蛟等尙蜂屯開縣雲陽境內勒保即日移師川東二月初五日勦樊人傑一股賊匪於東鄉麁坪壩

夔州府志

卷五

武功

五

二月參贊德楞泰勦太平黃號龍紹周大股逆匪於大寧之雞心嶺殲斃生擒及解散投首者四千餘名

六月總督勒保率川北鎮總兵官薛大烈生擒徐添德之弟徐添壽於東鄉縣之石婆山

八月經畧額勒登保生擒通江藍號賊首冉添泗王士虎於通江縣之報曉壩

八月總督勒保生擒襄陽藍號偽元帥冉學勝於通江縣之盧家灣九月奉

吉勒保賞還頭品頂戴



賜三等男爵

六月總督勒保殲藍號賊首鮮倖先苟文通青號何子聰於東鄉縣之樊喻店

九月經畧大臣額勒登保率提督楊遇春生擒襄陽白號賊首辛斗於南江縣之黑洞溝

七年正月經畧大臣額勒登保率參將朱槐都司余步雲生擒襄陽黃號賊首辛聰於南江縣之關門子

二月建昌道劉清率鄉勇生擒藍號冉添元之分股賊首李彬並襄陽黃號辛聰之弟辛文於南江縣之鐵廠

夔州府志

卷三十一

武功

六

坪奉

旨劉清加按察使銜並

賞戴花翎鄉勇趙文相等除分賞銀兩外並

賞戴藍翎

三月陝安鎮總兵官田朝貴斬襄陽白號首逆張添倫

並賊目魏學盛陳國珠於巴州土地堡之金子寺學盛驍悍善戰賊落後者擊以木棒賊中呼爲魏棒棒云

四月總督勒保生擒東鄉白號賊首庚向瑤於古佛寺復生擒達州青號隱名之首逆鐵板道人徐添培於太



平廳之沙罐場

五月總督勒保殲通江藍號李彬股內賊首楊步青於  
貓兒埡

六月總督勒保生擒白號冷添祿之分股賊首劉朝選  
及襄陽黃號伍金柱之弟伍金元於大寧縣界奉

旨晉封一等男爵

七月總督勒保率兵殲太平黃號龍紹周之餘黨偽先  
鋒賴飛隴於雲陽

九月總督勒保生擒東鄉白號張子聰之餘黨賊首張

夔州府志

卷十

武功

七

簡於東鄉縣之陳家坪又擒賊首湯思蛟於芝包口雲  
陽月藍號林亮功股內之張長青率其黨與投誠  
九月參贊大臣德楞泰擒達州青號餘黨賊首陳侍學  
於巫山縣之黃泡池

十一月總督勒保率遊擊羅思舉陳弼等擒太平黃號  
唐大信之餘黨賊首唐明萬於大寧縣之石柱坪

十二月經畧大臣額勒登保等馳報三省肅清時賊中  
巨憝悉就殲擒黨與亦均殄滅奉

旨經畧額勒登保督封爲一等侯世襲罔替參贊德楞泰晉封



爲一等侯並各加太子太保銜賞用紫韁總督勒保晉  
封一等伯其餘將領明亮賽冲阿楊遇春羅思舉桂滿  
量臣惠齡吳熊光等酌加

懋賞

夔州府志

卷二十一

武功



堅壁清野議

龔景瀚

竊惟邪匪滋事以來蔓延四省輾轉兩年處處有賊處處需兵負固則經年累月不能克奔竄則過都歷郡不能禦議者惟以兵少爲辭於是調鄰省增新兵募鄉勇但謂以多爲貴不知其無益而反有害也何則

國朝經制之兵本屬有限而腹裏尤少其重兵所在非番回錯雜之區則形勢要害之地也一調不已而至再再調不已而至三備禦空虛奸民因而肆志是無事之區又將滋事即如四川湖北之兵皆以全赴苗疆邪教遂乘

夔州府志

卷七

武功

九

機起事豈非明效大驗乎此調兵之害也倉卒募兵但取充數非市井無賴之人即窮苦無聊之輩紀律不習技藝不精心志不齊膽氣不壯遇賊惟有鳥獸散耳此增兵之害也鄉勇守護鄉里易得其力若以從征則非所願無室家妻子田廬墳墓之足繫其心也平居未受涓埃之恩臨難責以身命之報於勢既有所難能而爲之長者素昔等夷本無上下之分與以虛名強相鈐制於心又有所不服故加恩則玩而驕執法則忿而散求其約束而整齊之者難矣其藉此爲利浮開名數冒領



銀糧者又無論也至於臨陣既未習乎戰鬪疑則易驚又各自爲步趨紛則易亂即或誘之以重利鼓之以大義而有勇無剛能戰而不能久閔然而進亦閔然而退耳此鄉勇之害也且兵勇多則糧餉廣糧餉廣則轉運難

國家帑藏充盈殺賊安民雖千萬在所不計而民間之疲於輓輸困於差徭者不知凡幾矣文報有站糧運有臺軍營之移徙使節之往來其夫馬不能不資於民力近地不足調之遠處州縣雖官爲給價值而例案所銷豈能

夔州府志

卷十一

武功

三

敷用每縣夫數百名馬數百匹道途之費守候之費津貼之費司事者日食之費皆派之里下不肖生監又從而沾濡其中爲日既久民力竭矣官吏但顧考成一切以軍興法從事科歛督責民必不堪事變滋起或遇水旱之變將何以處之况夫將領不能約束兵丁所過甚於盜賊鄉勇從而效尤激而生變是所憂者不獨在邪匪也然使有濟於事僥倖成萬一之功亦不必過爲疑慮而自去年以來其情形大概可見矣四省之山層崖峭壁四面削立如城寨者所在多有其上有田有水賊



若據之非數萬之衆不能攻取然周圍百餘里或數十  
里終未能環而圍之也竭力仰攻士卒損傷過半幸而  
得之賊已乘間率衆他徙矣則又窮日夜之力以追之  
而其勢常不相及蓋賊因糧於民無地非民則無地非  
糧官兵之糧必須轉運賊竄無定向亦無定期糧臺豈  
能預設夫馬豈能預增倉卒移營糧必貽悞此一難也  
賊皆輕身登降便捷而我兵鳥鎗弓箭火藥鉛彈身所  
佩帶不下二三十觔行走不易此二難也賊皆本地之  
人慣於山行婦人孺子亦趨捷若飛而我兵如陔甘等

夔州府志

卷十一

武功

二

處壯健有餘輕捷不足登山半日汗流氣喘未遇賊而  
先困矣此三難也賊隨時隨地可以休息而我兵行必  
按隊止必安營挖壕樹柵守卡站牆日夜不得安歇此  
四難也賊常飽而我兵常饑賊常逸而我兵常勞勝負  
之勢已分矣幸而勝之所殺者賊之後隊數十百人或  
其老弱疾病不能行者耳其首逆即全夥不可見也賊  
之詭計又分布數人於左右十餘里中四面放火使我  
兵疑畏不敢遽進及至探明而賊蹤已遠矣此尾追所  
以常不及也於是有謂宜繞道前進迎頭截殺者究之



亦係空言無實濟也前後夾擊則左右分馳東西並攻則南北各竄山澗重叠道路紛岐處處可通頭頭是道安所得十餘萬之兵分布於數百里之內其勢既分其力亦薄賊以全力捨命衝突亦未有不潰而出者故賊之往來可以自如我之進退反不能自主賊合而我兵不得不分賊分而我兵遂不能復合焚掠裹脅賊愈殺而愈多疾病死亡兵日添而日少勦則無以爲守守則無以爲勦城池已在在堪虞將領惟斤斤自保今日之賊無論非今日之兵所能蕲事即或額兵全來新兵已

夔州府志

卷三

武功

三

練而使之追逐千里之餘奔馳半月之久力疲氣阻其勢又爲今兵之續賊勢益張兵氣益餒日延一日事恐不可問矣然則爲今之計將奈何曰賊未至巴州而巴州之民先去賊未至儀隴而儀隴之城已空守土之官雖欲効死勿去其誰與守此無他民心無所恃也故殺賊以安民也今必先安民然後殺賊民志固則賊勢衰使之無所裹脅多一民即少一賊矣民居奠則賊食絕使之無所擄掠民存一日之糧即賊少一日之食矣爲今之計必行堅壁清野之法責成地方官巡行鄉邑曉



諭居民團練壯丁建立堡寨使百姓自相保聚併小村  
入大村移平處就險處深溝高壘積穀繕兵移百姓所  
有積聚實於其中賊未至則力農貿易各安其生賊既  
至則閉柵登陴相與爲守民有所恃而無恐自不至於  
逃亡別選精銳之兵二三千名以牽制賊勢不與爭鋒  
但尾其後賊攻則救賊退則追使之進不得戰退無所  
食不過旬餘非潰即死耳不戰而屈人策之上者也其  
要必先擇良吏一省之中賢而能者道府豈無數人牧  
令豈無二十餘人其奔走趨事明白勤幹者佐貳豈無

夔州府志

卷五

武功

三

數十人今川省賊所往來者川東惟夔州一府達州一  
州川北惟保寧順慶二府而已陝西惟興安一府商州  
一州河南惟南陽一府湖北惟荊州宜昌施南襄陽鄖  
陽五府而已所屬牧令賢者留之不肖者易之每處各  
派佐雜數人分任其事以一道府董局事佐以正佐數  
員講明利弊議定章程總其大綱其餘道府分路經理  
稽查不過三月可以畢事矣其次則相度形勢天成之  
險如大成寨太平寨等處者加卑因高使之可守移附  
近居民於其中先藏積穀貧者官貸其資



其自便其故居仍留勿毀賊未至時仍可照常安業也其村庄市鎮人烟湊集如臨江市普安場等處者隨其所居因山臨水爲築城堡外挖深壕務令高廣民零星在外者移入之磚石木料匠役之費皆給於官惟丁夫取於民有貧乏者量給口糧以代賑恤其次則選擇頭人山上之寨平地之堡人戶既多一切事宜需人經理擇其身家殷實品行端方明白曉事者或紳監或者民舉爲寨長堡長給以頂戴予以鈐記使總一寨一堡之事其清查戶口董視工程經管銀糧稽查出入訓練丁

壯修飭守備別擇數人爲之副各就所長分任其事以專責成其次則清查保甲戶口繁多奸良莫辨外至者虞其爲間諜也即久居者亦慮其有匪黨也行保甲之法十家聯保互出甘結始准移居匪類送官究治其踪跡可疑尙無確據者另附冊尾聽其另居自便毋使濶入以滋後累其餘良民悉使團聚家有幾人大小幾口所操何業田地若干詳註冊內以備稽查其次則訓練壯丁每戶抽壯丁一人或二三人編爲部伍烏鎗刀矛各習一技官爲給價製備器械每一堡寨擇營中千把



或外委一員兵三四名使之教導勤加訓練有事則登  
陣守禦自保鄉里毋令出征惟本州縣有警或隣堡告  
急許以其半救援其次則積貯糧穀堡寨之中建倉數  
間富家囤戶有糧難以盡移者官給銀悉行收買入倉  
無者買於隣近各鄉官兵經過卽以此糧供支賊至閉  
寨壯丁守陣按名給糧毋令家食其鰥寡孤獨貧乏殘  
疾及家稍充而實無糧者准其照冊分別賑借賊平之  
後卽爲本鄉社倉分貯常平一遇災歉亦可就近賑糶  
其次則籌度經費所有築堡挖壕建倉買糧置備軍械

夔州府志

卷五

武功

三五

一切守禦器具及搭蓬蓋屋之費銀皆官給交堡寨長  
司其出入惟倉糧之數主於官賑借供支官爲報銷其  
餘糧勻攤於堡寨居民所有田地分爲十年或八年隨  
地徵還如此者有十利焉川省無土著之民五方襍處  
其性輕於去就故一聞警報輒四散奔逃民心疑懼則  
千里無堅城矣今堡寨林立聲勢聯絡民居旣安民志  
自定父母妻子一家團聚無流連死亡之憂并不慮爲  
賊逼脅陷於邪黨可以保全良民潛消賊勢其利一也  
糧皆藏於堡寨之內所餘村落店舖皆空屋耳賊卽千



里焚掠無所得食若攻圍堡寨則丁壯自護身家其守必力又有隣堡之救援官兵之策應其力必不能攻而狂奔十日非潰而四散則輾轉於溝壑之內而已區區首惡何難就擒可以制奔竄之賊其利二也據險之賊不能不下山掠食今民皆團聚糧不露處冬春之交野無青草附近已無所掠遠出則近山之堡寨皆得邀而擊之其勢又不敢出坐困月餘積糧既竭終亦歸於死亡逃散而已可以制負固之賊其利三也州縣之有鄉村如樹之有枝葉枝葉傷則根本無所庇鄉村皆爲賊

夔州府志

卷五

武功

六

所蹂躪其城郭之不去者僅矣今四面皆有堡寨障蔽擁護賊必不敢徑犯城郭有急則環而救之如手足之捍頭目賊將腹背受敵况官兵又乘其後乎可以保障州縣其利四也堡寨遠者相距數十里近者或十餘里官兵經過就近供支糧臺可以不設官無轉運之費民無輓輸之勞至文報往來尤關緊要堡寨之在大路者即安設夫馬遞送無須兵勇護之可以省臺站之費其利五也每省挑選精兵三千賊合亦合賊分亦分牽制其後使之不得攻陷城堡足矣其餘悉令歸伍所省鹽



糧猶其小者也兵省則差徭亦省民受無窮之利而營  
伍不至空虛亦無虞再生他變其利六也守陣壯丁惟  
賊至時數日給以口糧耳無按月之鹽糧無安家之銀  
兩也其費較招募鄉勇所省何啻天淵而愛護鄉里朝  
夕相見猶有古者守望相助之意可以情法維繫之不  
若鄉勇從征日久習於兇暴怯公戰而喜殺掠釀爲將  
來無窮之憂其利七也保伍時相糾察而堡寨之長又  
從而稽查之則奸究無所容其桀驁不訓如啞嚕者亦  
懾而不敢肆可以漸化爲良民其利八也邪教蔓延爲

日既久伏而未動者正不乏人今淑慝既分居不相雜  
其冥頑者苟潛入於賊黨可以一併殲除其愧悔者必  
安居乎故業可以保全身命絕後患之萌開自新之路  
其利九也規模既定守而無失遠近一體上下同心如  
網之在綱有條不紊如身之使臂無令不從無事之時  
按籍而稽瞭如也有事之時畫地而守井如也一勞永  
逸數世賴之其利十也然而愚民可與樂成難以慮始  
因循目下畏難苟安此議一出必有沮之者矣一則曰  
騷擾反以累民也夫擇利莫若重擇害莫若輕賊匪所



過焚燒房屋殺戮人民擄掠婦女其慘極矣民雖至愚亦必明於利害所全者大即小有騷擾猶當毅然爲之况保其身家全其積聚順其情之所樂何累之有若云奉行不善則官吏之過當易其人不當廢此法如戰場失利豈以偶無良將而遂永不用兵乎一則曰迂緩不切於事也夫欲速則不達自去歲以來所行者何一不速何一有效事固有不急於目前而收功於異日者及今爲之未爲晚也行之一縣可保一縣行之一府可保一府同時並舉不過三月賊在網羅之內矣是速莫

於此也舍此以圖其果有旦夕奏效操券而得之策乎一則慮其費大也夫成大事者不惜小費苟能平賊即多費亦所不惜今州縣大者不過堡寨數十處小者十餘處一省所辦不過三四十州縣耳裒多茲寡合計每省不過用銀一百萬兩而已自是即無所費較之養兵養鄉勇每日需銀百萬者其費何如且尙未有底止也惟買糧爲費較鉅而糧分貯於堡寨何異貯於州縣之倉今各州縣豈能不採買乎其餘借項分年帶徵歸款是不獨省費且並無所費矣一則畏其繁難也夫天下



無難成之事患無任事之人今自道府下至堡寨之長  
總理者有人分任者有人勞瘁不辭纖悉具舉何慮其  
繁難且通江巴州儀隴賊所蹂躪之處失業難民豈能  
不爲撫恤清查戶口修理房屋弔生恤死賑乏周貧其  
繁難何止十倍於此與其補救於已然之後何如豫備  
於未事之先願平心而熟計之也是數說者皆不足以  
難之然則今日急計莫有先於此者矣安民即所以殺  
賊民懼賊而逃猶可言也兵愈增則差徭愈重師愈久  
則擾累益多數月之後恐民之見賊將不逃而合之矣

夔州府志

卷三

武功

元

今不早爲後悔無及謹陳一得之愚伏惟垂採幸甚

撫議

龔景瀚

賊不可撫也其勢亦不受撫所謂撫者撫百姓之從賊  
者耳今百姓之從賊者大率有二一則被其煽惑者一  
則被其裹脅者被其煽惑者皆甘心於從賊者也然其  
中有辨入教既久心性俱迷信其煽誣之詞妄作非分  
之想不懼不悔視死如歸此冥頑不靈非可以情理化  
導者也又有富者畏禍貧者貪利邪教以避災得財之  
說歆而中之一時不察翕然信從然素無不軌之志也



一朝事起官府訪查鄰里執証既無詞可辨遂無地自容鄉勇利其田宅家產以多殺爲功一言在教婦孺駢誅其存者不得不棲身賊巢以爲苟延性命之計此愚民誤入其教而不能自脫者也被其裹脅者皆不得已而從賊者也然其中亦有辨精壯之民賊先拘係以苦之旬日之後強以拜師令其入教綁縛老弱逼其手刃分隊放火押令隨行與官兵相遇授以戈矛驅迫前進倉卒打仗百姓既不及自明官兵亦無從辨識鋒刃交加既欲貪已之生不得不致人於死而放火殺人之罪

遂無所逃賊乃縱之往來自如而百姓已無生還之望矣此欲歸而不敢者也老弱之民或令煮飯或令放馬或令挑擡什物不給以糧自行覓食隨時搶掠餬口饑飽無常其苦萬狀日夜思歸然妻子爲質則中心戀戀不忍遽離家業已殘則後事茫茫無可措置不得不隱忍隨行以圖苟活即有孑身易於逃脫而賊之防範甚嚴晝則維以大索纍纍相繼如驅牛羊夜則閉之空房陣陣相積如圈豚犬蓋有十餘賊而制百十人之死命俯首帖耳莫敢先動者矣此欲歸而不能者也自嘉慶



元年用兵以來吾民之死於賊者無論已官兵迎頭殺擊其衝鋒冒刃者皆吾精壯之民也官兵從後尾追則堦擒掩取者皆吾老弱之民也其死者不知凡幾矣幸而乘間得出守卡之勇坐營之兵盤而獲之以爲奇貨文致其罪冀邀厚賞非法者掠多方指証草草數言即行正罰其死者又不知凡幾矣幸而解赴大營委官審訊而從賊日久放火殺人則罪在不赦問官惟守此兩語以爲盡職黠者狡詞變易則死於刑愿者據實自陳又死於法其幸生者皆歷幾死而後得之什百中僅一

夔州府志

卷十一

武功

三

二也天律坐喝令即下手亦從末減何況被賊所逼事不由口而徒泥其迹不原其情風聲所布孰敢復出使賊益得藉口以鈐制吾民此從賊之心所以愈堅而賊之所以日多也今蒙

皇上施浩蕩之恩開三面之網蕩滌舊染與之更新伏讀

聖諭自古惟聞用兵於敵國不聞用兵於吾民自相攻擊屠戮生靈朕日夜哀憐幾至寢食俱廢百姓極困思安久勞思逸諒必一見恩旨翕然來歸欽此捧誦迴環無不感激泣下即此數語已足以感



天地之和而消邪沴之氣矣賊亦人也具有心腹腎腸亦當感  
動悔過何況被脅之良民哉惟是愚民目不識書膽黃  
遍貼賊中防守甚嚴一時未必周知即知亦或未敢深  
信諭以空言不如示以實事之爲深切著明也伏求飭  
諭各路領兵大員於大營中預備大旗一面上書招撫  
難民四大字遇賊打仗以兵數百人守之另立於山之  
上或營之左右距營一半里許其有投棄器械來奔旗  
下者悉不得殺賊方迎敵官兵不暇兼顧裹脅之民必  
相率歸來矣嚴飭守卡員弁兵勇自賊營逃出或被盤

夔州府志

卷三

武功

三

獲者無論是賊是民曾否放火殺人均不得擅殺送交  
地方官問其姓氏里居願留者妥爲安插歸籍者酌量  
資送風聲傳布孰不求生即或所放之人未必無一二  
真賊逃回賊營然賊既生還則百姓更無死理在賊營  
之百姓無所疑慮益堅其向化之心乘閒歸者紛紛恐  
後矣此解散之一法也其有心地明白語言便捷者予  
以重賞令其招徠招出十人者給以十人之賞招出百  
人者給以百人之賞能殺賊縛賊來獻者更加優賚如  
係賊之小頭目更爲得力唐李愬之平淮蔡宋岳飛之



平楊么皆重用降將轉相鈎致賊心既散賊黨既離即使一人不返不過失一真賊於事無闕輕重若使一人成功則保全無數生靈於

國家實有裨益此解散之又一法也抑某更有請者教匪及囑嚕等執迷不悟非重懲之以威不能遽懷之以德而被脅百姓受制於賊亦有欲歸不能之勢某三年軍營所見百姓逃回者皆在官兵打仗之日官兵大勝則逃出者甚多官兵小勝則逃出者亦少是勦而後可以成撫而勦必須兵力今兵力少惰矣仍宜添派精兵慎

擇良將勦撫並用竒正相生兼行堅壁清野之法百姓自相保聚使賊無人可裹無糧可掠旬日之間不特被裹百姓投出相繼即真賊亦鳥獸散矣有明鄭陽之白圭項忠先後擒斬劉千斤苗龍等數萬人而後原杰得以成撫治之功書云威克厥愛允濟非忍於用威乃所以成其愛也至各省情形微有不同教匪四川爲多其裹脅川民亦衆今首逆陸續就誅賊勢漸形瓦解一加招撫來者必多是四川利用撫陝西習教者安嶺將軍山諸役殲戮殆盡逃入川境者不過一千餘人兩年以



來川楚逆匪往來興漢商雒一帶沿途裹脅皆隨裹隨逃故賊中陝民頗少無可招撫是陝西利用勦至湖廣受鄉勇之利亦受鄉勇之害殺戮過甚勢不相容不特楚賊不敢回楚即楚民亦不敢回無所用其勦亦未易言撫其來歸者量爲遷移方可相安無事是又在地方大吏之隨時變通矣謹議

倡議練兵修寨四事

梁山知縣方積

一操練鄉兵以備堵截也各州縣非無鄉勇之患有鄉勇而無訓練實與無鄉勇等梁山縣招募鄉勇共七千

夔州府志

卷三十一

武功

三十四

餘名除陸續奉調及裁汰不計外近存四千餘名廣延精於技藝者三十餘名教以鳥鎗刀矛等技蓋操演之法與臨陣之法同鳥鎗在前刀矛在後鳥鎗不精則臨陣手顫而發必不中一發不中勢必棄鎗而走刀矛手亦因之而驚故必精鳥鎗以收刀矛之用也刀矛不精不但刀矛手不敢近賊鳥鎗手無可恃之人在後其技即精其心不定賊徒驟進亦必棄鎗而走故必精刀矛以收鳥鎗之用也見在日夕操演十月於茲近復製硬弓四百餘張及藥弩三萬餘枝以爲伏路守險之用各



義首鄉勇等自顧身家亦頗知用命並時時勉以大義兼教以作坐進退之方邇日察看情形似尙可用如果賊人窺境定當竭力堵勦斷不致退縮遷延

一修鑿城池以定民志也縣城爲四境居民之望城中小有驚疑則四境亦聞風而怯查梁山縣舊城高僅盈丈兼以無濠可恃恐愚民無識易起猜心見將縣之舊城普加三尺五寸平處俱挖長濠傍山險處修削益令陡峻城工浩大用度不貲既未敢請領帑銀而當此軍需浩大民力困弊之時更不敢重勞民力除將本年廉

# 夔州府志

## 卷三十一

武功

三五

俸全行捐用外復傳集本城殷實紳耆約保人等明白曉諭旋據捐石捐木捐出米糧者絡繹而至即令捐助多而人品正者分董其事所有出入一切並不用一家丁一書役經手其間是以用費較省而成功亦較速雖邇日工價合計尙欠三千餘金自當妥爲辦理斷不致絲毫有累公私城內小山甚多俱於扼要處設立砲台置自鑄威遠砲六尊以備轟擊其於存城劈山砲九子連環砲共四十餘尊鳥鎗約九百餘桿火藥約一百餘石鉛彈足用刀矛軍器約五千餘件俱係自爲製備其



外卡鳥鎗軍器尙不在此數內

一設法儲糧以備緩急也縣內常社兩倉共收貯穀二萬石有零除奉文碾運軍米及支發本境鄉勇口糧外見僅餘穀一千二百餘石倉廩實爲空虛設有緩急之用真不足恃再四思維無可爲計昨經普諭附近城郭居民令將存穀餘石先事運貯城內設使賊人犯境即可輕身入城小民亦知未雨繆綢殊屬踴躍且見在官倉閒空其穀石多而無地可以屯貯之家茲已將官倉借給存貯並明白曉諭以將來設有事端即當借散口

夔州府志

卷三十一

武功

三

糧事竣照市償價梁山雖小邑頗多知義之民以故鼓舞樂從尙不致疑於官吏

一廣修山寨合力守禦也查賊匪自去秋起事迄於今日所入之處必先以虛聲恐嚇俟居民逃竄時彼則乘亂而入地方官雖欲禁止逃民而逃民終不可禁以故民心愈恐而賊勢愈張小民無識貴堅其志必置之於必不可死之地而後有不肯輕去之心民有不肯輕去之心而後賊無可以攔入之勢梁山境內周圍數百餘里四面俱有古寨已令各路約保指名稟出大小不下



三十餘處有周圍三四十里者有周圍十餘里及七八里者各不等大抵皆峭壁懸崖中通一徑見已親赴各寨逐加閱視普勸居民令其各加修整大約不過一月之內即可一律修齊其附近城郭之牛頭金城七十層子岩等寨日內即可竣工並聞賊衆行不裹糧待掠而食倘能絕其糧路勢不能枵腹持戈是以傍寨居民俱令其將存積穀石全數先行運寨寨上多備滾木擗石並按照寨之大小分給過山鳥鳥鎗等件如果賊至各路居民自可就近登寨而守或十餘圍守一寨或數圍

夔州府志

卷十一

武功

三七

守一寨並預囑該居民等於賊至之時勿與接戰但堅守不動使我四境之中路路可通寨寨相望不必互相策應而實有互相策應之勢賊仰攻不能掠食無所左梗右塞步步防人似有不待驅逐而自退之理

辦理團練

四川總督勒保奏爲派委道府丞倅等官分段辦理團練勦撫事宜以佐兵力而淨賊氛恭摺奏

聞仰祈

聖鑒事竊臣前奉



諭旨以川境賊匪當此窮蹙之際往往從無兵地方逃匿以冀苟延殘喘地方官自宜搜獲淨盡以絕根株著該督撫等督飭各州縣多派鄉勇嚴密查拏該匪等無路逃竄不難淨除餘黨蕺功更速等因欽此仰見

聖心燭照幾先預操勝算臣跪誦之下不勝欽服伏查川省教匪滋事以來地方官勸諭百姓築寨集團堅壁清野連年頗著成效惟是向時賊勢尙衆百姓僅能憑險自守欲得其殺賊立功者不過百分中之一三近來仰仗

皇上天威官兵各路勦捕賊勢已十去其九臣昨與額勒登保

夔州府志

卷三十一

武功

三

德楞泰彼此會合預將善後大局通盤籌畫定議俟辦完大股之賊即將官兵分段駐劄搜勦餘匪盡淨方可徐議撤兵又恐餘匪零星四散官兵踪跡難周仍須激勵鄉團協力搜捕而舊日鄉團祇能各自爲守無官統率終覺散而無紀難期得力若僅責成本管州縣則牧令等皆各有地方應辦事宜其勢又不能常在四鄉辦理團練之事惟有遴委熟悉軍務大員分路總理其事仍多派正佐各員分定段落各專責成申明約束聯絡聲勢兵力之所不到則以民力佐之民力之所不支則



以兵力助之庶幾偵探易周而賊無潛匿之地但此事  
必須乘官兵未經分駐之先辦出頭緒庶將來易於集  
事是以額勒登保德楞泰與臣會合時公同議定章程  
臣當即遴委曾辦軍務熟手之道府丞倅並飭司由省  
揀派州縣佐雜各員指定段落各赴差所分段辦理以  
廣元蒼溪南江通江爲一段派候補道劉清總理以寧  
遠府知府德福佐之並派正印官二員佐雜二十員分  
路經理以太平大寧爲一段派候補道府鄭成基總理  
以同知銜候補通刑李在文佐之並派正印官二員佐

夔州府志

卷三

武功

三

雜二十員分路經理以達州東鄉新寧梁山開縣爲一  
段派成都府知府趙秉淵總理以西陽州知州張星煒  
佐之並派正印官二員佐雜十員分路經理以奉節巫  
山爲一段派雅州府知府周景福總理並派正印官一  
員佐雜八員分路經理以雲陽萬縣爲一段派知府銜  
候補同知直隸州劉大經總理並派正印官一員佐雜  
八員分路經理其餘忠州墊江酆都涪州長壽江北合  
州定遠岳池隣水大竹廣安渠縣營山儀隴蓬州南部  
南充閬中昭化劍州等州縣均屬腹地幅幘較狹且將



來大兵分駐後該境賊氛自遠應即責成該地方官經理仍各添派佐雜二員幫辦此次辦理團練需員較多川省大小正佐各員多有在軍營効力出身者於防堵事宜頗多熟手均勻合配儘敷差委凡各員分定段落後每一寨一碉挑選團練若干名令寨首管領每佐雜一員管領寨碉若干處每正印官一員管領佐雜若干員均以各該路道府總理其事現在大小各員俱已陸續前往差所分路查點寨碉團勇造具花名清冊刊立告示條規頒發賞格約正二月間可以辦定章程此時

川省大夥之賊惟苟文明一股人數較多現有經畧參贊兩路大兵勦辦自不難即時完竣即湯劉等逆雖尙未就擒而其夥匪無多勢極窮蹙亦與他股零匪無異彼時團練既成大股已完即可將官兵分段駐劄凡遇賊至零星無多者本寨團練即爲堵擊附近寨碉亦共相策應搜捕賊匪稍衆本段官兵就近勦捕至團勇人等有能斬獲匪衆及擒獻首逆者照依賞格分別賞賚正佐各員督率有方亦量加獎勵所需經費由總理道府稽覈撥節支給倘有冒功滋事及辦理不善者各治



其罪設有賊匪悔罪來投即由該委員就近訊明若係緊要賊首錄供稟報核辦如係尋常夥匪即查明籍貫分別遞籍安插俾得各安生業不致再流爲匪如此民團既有統率而兵力復相表裏賊匪無避跡之處必不能再延殘喘統俟賊氛盡淨再與額勒登保德楞泰酌量情形安設撤兵以期一勞永逸斷不敢專恃團練稍存草率遷就之見爲此繕摺具奏

皇上睿鑒訓示謹

夔州府志

卷二十一

武功

四

奏

查此時夔州府知府方積辦理團練甚屬整齊

四川總督勒保奏爲四川省辦理團練酌定經費章程仰祈

聖鑒事竊照川省教匪滋事以來蔓延數十州縣仰仗

皇上天威將士用命擒戮渠魁殲除黨與近來所剩僅係零星餘孽節次欽奉

諭旨飭令地方官督率團寨協同搜捕是以臣遵於上年冬間與經畧額勒登保參贊德楞泰會商大局後即委道府丞倅等官會同地方牧令分段派委佐雜各員督率團



勇寨民同心協力共掃餘氛數月以來各段委員督率團寨遇賊截勦有擒獻賊目者有殲戮賊匪者辦理頗有成效現在賊匪無容足之地兵氣日揚賊氛日淨此皆

聖主德威所播淪浹民心故閭閻共切同仇實心効命但向時百姓堅壁清野不過自保身家未便官爲資給此時既委官管領團勇出寨擊賊勢難令其枵腹從事其有殲擒賊匪者必須隨時獎賞以示激勸間有受傷陣亡之人皆係因公死事更應量給醫藥埋葬之資以示

夔州府志

卷三十一

武功

四

朝廷矜卹至意即各段委員試用無缺者居多亦不能不酌發經費以資辦公臣前節據辦理團練之道府丞倅等稟請前來當即飭司查議去後茲據藩司楊揆臬司董教增酌議條款具稟到營臣復詳加核定謹繕清單恭呈

御覽如蒙

俞允則經費有資民心定心益加勸勉實於善後事宜大有裨益惟查歷次用兵並無團寨勦賊之事此項經費皆軍需舊例所無今若在軍需正項支銷於定例勢難准行



查川省現有已派津貼銀兩原以補經費之不足近蒙  
聖恩節次賞撥餉銀正項已爲充裕此項津貼銀兩本係百姓  
捐輸之項辦理團寨需費無幾請即於津貼項內動撥  
支發所需口糧亦以銀照時價折給如此以川西川南  
無事州縣樂輸之資爲川東川北有事州縣急公之用  
於情理亦屬平允事竣仍彙造清冊咨部查核以杜冒  
濫之弊爲此恭摺具

奏伏乞

皇上睿鑒訓示謹

夔州府志

卷三十一

武功

四三

奏

一團勇出寨打仗宜酌給口糧以示體恤也查現在各  
委員分管寨硿每寨挑選團勇一二百名或二三百名  
不等造具花名清冊呈報此項團勇無賊時各有生業  
自不必官給口糧若賊匪竄近出寨勦捕勢難令其枵  
腹效命應請於出寨勦賊之日按名給發口糧一升不  
給鹽菜所需米石即照時價給一經回寨即行停止以  
歸樽節

一團勇打仗遇有傷亡宜分別酌給卹賞以示矜恤也



查寨硿居民本係自衛身家今既責令打仗殺賊遇有陣亡受傷者理應酌給埋葬醫藥之資以示矜恤但團勇究與常川隨征之鄉勇有間未便遽照征勇傷亡之例議給應請量爲酌減團勇遇有陣亡者每名酌給埋葬銀十兩受傷重者每名酌給養傷銀四兩受傷輕者每名酌給養傷銀二兩均由各總理之員查實給發隨時報局查考

一團勇擒殺賊匪應酌定賞格以資鼓勵也查上年臣特與額勒登保商辦團練原曾酌定賞格分別擒獻招

## 夔州府志

### 卷十一

武功

四

降等項頒發各硿寨遵行此時川省賊匪衰殘已極毋庸再爲招降至寨勇能將賊匪殺斃生擒者理應仍加獎賞以資鼓勵應請酌定章程凡寨勇擒賊一名賞銀二兩殺賊一名賞銀一兩擒獻賊中小頭目一名審訊得實賞銀五十兩如能擒獲著名首逆另行遵照

### 欽頒賞格給發

一辦理團練各委員應酌給月費以資辦公也查此次分段辦理團寨所派委員人數較多各該員多係試用無缺之人既無俸薪養廉其隨從丁役又無口糧盪菜



微末窮員未免辦公竭蹶應請量給月費牧令每員月給銀三十四兩佐雜每員月給銀二十四兩俾資本身及丁役食用之資

查辦川陝楚老林

道光二年總督蔣

准部咨稱奉

上諭前據四川總督蔣攸銛陝西巡撫朱勳湖北巡撫毓岱等奏會籌川陝楚老林情形請添設廳治營汛當降旨交軍機大臣會同該部核議具奏茲據曹振鏞等英和等那彥寶各具摺陳奏朕加披覽川陝楚老林地方幅幘遼瀾

夔州府志

卷五

武功

四

近年開墾日廣客戶增多山深路險稽查難周該督等請將同知通判知縣佐雜並守備千總酌量添設及改選爲題之處係爲因地制宜起見軍機大臣吏兵二部均各議准着即照所議辦理至道府職分較大若將陝安襄鄖荆二道漢中鄖陽二府一概改爲在外題補不惟有違定例且行之日久易滋流弊著俱不准改爲題缺仍照舊例行欽此相應抄錄原奏知照四川總督可也計粘單一紙一奏稱川省太平廳同知所管地方週圍三千餘里幅幘本屬遼瀾界連陝省地方緊要原設經歷一員不足以



資撫治應請將太平廳同知並訓導照磨各一員移駐城口即將城口經歷所管地方劃歸管理作為城口廳同知照陝西孝義定遠等廳邊俸之例定為題缺五年俸滿保題即陞其原設城口經歷移駐高觀寺場分防彈壓仍定為繁缺歸城口同知管轄至太平廳既已移駐城口則太平廳原管地方應仍復為太平縣設立知縣典史訓導各一員以資經理查知縣典史川省無可裁汰應請添設其訓導一缺查有叙州府屬之筠連縣訓導堪以裁抵移駐並查巴州所管之錫團圖秋波等

夔州府志

卷五

武功

四

處通江縣屬之竹峪關黃鐘堡等處均與太平縣相近應改隸太平縣管轄將該員亦定為題缺五年俸滿保題即陞所有城口同知太平縣知縣均歸綏定府屬管轄又南江縣界連陝省南鄭褒城道路綿長中隔老林稽查匪易應改為題缺五年保題俾得擇人而治以收實效至太平廳同知高觀寺經歷本係繁缺均毋庸裁繁抵簡惟南江縣並添設之太平縣二缺現定為繁缺在外題陞例應裁繁改抵但川省繁缺本少無可酌改應請免其裁抵再巫山屬之大昌夔地方係通湖北房



縣竹谿要路本係守備營分因添設營制案內改爲千  
總駐劄應請復設守備歸夔州協管轄以大坝營推缺  
守備裁抵改爲在外題補以資控馭又通江縣屬之竹  
峪關既改歸太平縣管轄應由太平營派撥千總一員  
兵六十名前往分防其通江營原派駐防竹峪關汛弁  
兵應撤回通江營以昭畫一等語應如該督等所請太  
平廳同知並訓導照磨各一員均准其移駐城口地方  
即將城口經歷所管地方劃歸管理作爲城口廳同知  
定爲題缺五年俸滿保題即陞訓導照磨均仍定爲選

缺其原設城口經歷一員准其移駐高觀寺場地方分  
防彈壓仍定爲繁缺歸城口同知管轄其太平廳原管  
地方應准其添設知縣典史訓導各一員以資經理查  
知縣典史川省既無可裁抵應免其裁抵其訓導一缺  
准其將筠連縣訓導裁抵移駐仍定爲選缺至巴州所  
管之錫團圖秋波等處通江縣屬之竹峪關黃鐘堡等  
處均與太平縣相近應准其改隸太平縣管轄其太平  
縣定爲題缺五年俸滿保題即陞所有城口同知太平  
縣二缺均歸綏定府管轄又南江縣一缺准其改爲題



缺在外揀選五年俸滿保題即陞其新設典史一缺應照例歸部銓選至巫山屬之大昌夙地方本係守備營分嗣改千總駐劄今既據稱係通湖北房縣竹谿要路應准其復設守備歸夔州協管轄以大坝營推缺守備裁抵改爲在外題補仍令該督酌量人地相宜之員具題請補以資控馭又通江縣屬之竹谿關既改爲太平縣管轄自應由太平營派撥千總一員兵六十名前往分防其通江營原派駐防竹谿關汛弁兵即撤回通江營以昭畫一